

ad annos domini completos 1514. Idem denique liquebit ex veteris locis Basilisci seu cordis leonis atque lancis meridionalis qui pro aeris Ptolemei Alfonsi & annis domini 1514. completis observati fuerant, Libentius autem elegi ad inspiciendum considerandumue fixorum siderum horum vera in zodiaco loca, quoniam ipsa modicae sunt latitudinis atque solis orbitae proxima, necnon magnitudine & lumine conspicua, ideo eadem sidera nedum mihi verumetiam priscis illis eorum inspectoribus ad considerandum vera ipsorum in zodiaco loca reliquis fixis sideribus longe ampliorem certitudinem praebuerunt. Et quia in motu quem ab aera Ptolemei, usque ad annos domini 1514. completos perfecisse deprahendunt, ad invicem concordant. Ideo horum siderum observationes certioremihi de se fidem reddiderunt. In hac tamen arbitror consideratione basilisco atque austrinae lanci praefendam esse, atque maiorem mereri fidem, aristae considerationem, quoniam verus aristae locus in zodiaco propior est autumnali aequinoctio iuxta quod zodiaci partes in suis ab aequatore declinationibus, maioribus ad invicem differentiis augentur, quam signiferi partes quae ab aequinoctiorum punctis magis abeunt zodiaci namque partes quanto aequinoctialibus punctis extiterint propinquiores, tanto maiores differentias ipsarum ab aequatore declinationes remotioribus obtinebunt partibus atque paucioribus signiferi segmentis, maiores declinationum periferias competere necesse est.

PROPOSITIO III.

Quibus temporibus Claudius Ptolemeus alexandrinus, atque Alfonsus Castiliae Hispaniarumque rex vera fixorum siderum loca compararunt ostendere. Idem Ptolemeus in libro octavo suae aggregationis seu magne constructionis, enarrans, factam a se quandam considerationem regii sideris quod basiliscus graece seu regulus latine dicitur quod etiam apud neotericos astronomos cor leonis appellatur, ait quod anno secundo Antonii mense phormuthi qui apud Aegyptios octavus est, nono die eiusdem mensis occidente sole in Alexandria post meridiem horis v. & media equalibus, postrema parte geminorum coeli medium occupante,